

E MARTA E MADHE. Paravolia e 10 Virgjërshave



E martë, 15 prill 2025 – Kujtimi i ditës
JAVA E MADHE E PASHKËS – KRESHMË
E MARTA E MADHE. Paravolia e 10 Virgjërshave.

– Paravolia e 10 Virgjërshave –

Të Martën e Madhe përkujtojmë paravolinë e dhjetë virgjërshave, të cilën Krishti e tregoi gjatë predikimeve të Tij. Kisha jonë e Shenjtë na fton që të jemi gati që ta presim, duke mbajtur ndezur lumbadhat e virtyteve tona, për Dhëndrin Qiellor, për Zotin Krisht, i Cili do të vijë në çastin e vdekjes sonë, por edhe në ardhjen e Tij të dytë. Gjithashtu na fton, duke na rikujtuar paravolinë e talandave, që të vëmë në punë dhuratat dhe hirin që na ka dhënë Zoti.

Paravolia e dhjetë virgjërshave ka në thelb të saj të na tregojë se ai person, i cili ka një virtyt dhe dhuratë të madhe, por që nuk e vë në shërbim të virtyteve të tjera edhe sidomos të lëmoshës, nuk mund të hyjë bashkë me Krishtin në prehjen e përhjetshme, dhe kthehet mbrapa i turpëruar. Edhe asgjë nuk është aq e

dhimbshme dhe e turpshme se sa një virgjëreshë që luftohet nga dashuria pas parasë.

[Kisha Orthodhokse Autoqefale e Shqipërisë](#)